

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINSKI SUD U SARAJEVU
Broj: 65 0 I 1090454 24 I
Sarajevo, 10.08.2026. godine

Općinski sud u Sarajevu, sudija Selma Beširević-Nurković u pravnoj stvari tražioca izvršenja Raiffeisen bank d.d. Bosna i Hercegovina, ulica Zmaja od Bosne bb Sarajevo, koga zastupa punomoćnik Femil Čurt, advokat iz Sarajeva, ulica Maršala Tita broj 50, protiv izvršenika A.D. iz Sarajeva, radi izvršenja na pokretnim stvarima izvršenika, vrijednost spora 16.282,27 KM, van ročišta, dana 10.08.2026. godine, donosi sljedeći

Z A K L J U Č A K

-o prodaji pokretnih stvari-

Određuje se **drugo ročište** za prodaju pokretnih stvari izvršenika A.D. putem usmenog i javnog nadmetanja i to:

1.P/M/V marke Volkswagen Passat, crne boje reg. oznaka ..., broj šasije, proizvedeno 2006.godine, procijenjene vrijednosti 5.052,11 KM (pethiljadapedesetdvije I 11/200 KM)

za dan PETAK 04.09.2026.godine u 09,00 sati

isto će se održati u zgradi Općinskog suda u Sarajevu u sobi 454/IV sprat

1.Rješenjem o izvršenju Općinskog suda u Sarajevu broj gornji od 02.07.2024.godine, određeno je izvršenje pljenidbom, procjenom i prodajom pokretnih stvari izvršenika.

2. Služba sudskih izvršitelja je obavila pljenidbu pokretnih stvari izvršenika o čemu je sastavljen pljenidbeni popis uz istovremenu procjenu vrijednosti pokretnih stvari, a sve kako je naprijed u zapisniku sudskih izvršitelja od 27.05.2024.godine navedeno, te su stvari ostavljene na čuvanje izvršeniku uz zabranu za dalje raspolaganje.

3. Ročište za javno nadmetanje održat će se i kad prisustvuje samo jedan ponuđač, a sud će zaključkom na zahtjev lica koje ima pravo prvenstvenog namirenja odrediti da se ročište za prodaju odgodi ako učestvuje samo jedan ponuđač.

4. Sud će u smislu člana 77. ZIP-a, a u vezi sa članom 135 ZIP-a, zaključkom na zahtjev zainteresovanog lica omogućiti razgledanje zaplijenjenih pokretnih stvari, te istim odrediti način i vrijeme razgledanja stvari, uz prisustvo sudskog izvršioca. Navedeni zahtjev mora biti podnjet u pisanoj formi 8 dana prije održavanja ročišta.

5. Na prvom ročištu za prodaju pokretnih stvari putem usmenog i javnog nadmetanja pokretne stvari se ne mogu prodati ispod 1/2 (jedne polovine) procijenjene vrijednosti.

Ako se pokretne stvari ne prodaju prilikom prvog javnog nadmetanja, odnosno na prvom ročištu sud će na prijedlog stranaka, odnosno zahtjev tražitelja izvršenja, koji se može podnijeti u roku od 8 (osam) dana od dana održavanja neuspjelog ročišta, zakazati drugo ročište na kojem se pokretne stvari koje su predmet prodaje, u pogledu iznosa cijene, mogu prodati bez ograničenja.

6. Sud će obustaviti postupak ako stranka u roku od 8 dana ne predloži održavanje drugog ročišta za javno nadmetanje, ili ako se stvari ne uspiju prodati ni na drugom ročištu za javno nadmetanje.

7. Ponuđač sa najvećom ponudom će platiti cijenu za pokretnu stvar odmah nakon objavljivanja rezultata.

Po uplati cijene sud će donijeti rješenje o dosudi, a potom i rješenje o namirenju.

8. Na javnom nadmetanju kao kupci mogu učestvovati samo osobe koje su prethodno položile osiguranje koje iznosi 1/10 (jedna desetina) određene vrijednosti pokretnih stvari koje se žele kupiti, s tim da iznos osiguranja ne može preći iznos od 10.000,00 KM.

9. Osiguranje se polaže na depozitni račun depozitni račun Općinskog suda u Sarajevu broj 1411965320009639 otvoren kod BBI Banka Sarajevo, sa naznakom broja predmeta.

10. Ponuđačima čija ponuda ne bude prihvaćena, osim za tri najbolja ponudioca, vratit će se položeno osiguranje odmah nakon zaključenja javnog nadmetanja.

11. Od polaganja osiguranja u ovoj izvršnoj stvari oslobođen je tražitelj izvršenja.

Ovaj zaključak objavit će se na oglasnoj ploči suda, a tražitelj izvršenja može, o svom trošku, isti objaviti u sredstvima javnog informisanja.

Sudija
Selma Beširević-Nurković

POUKA: Protiv ovog zaključka nema mjesta pravnom lijeku.